



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-11-4-5316-11
Sarajevo, 08.11.2021. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16, 26/19, 31/19 i 39/20) i 69. i 70. Zakona o javnim nabavkama BiH („Službeni glasnik Bosne i Hercegovine”, broj 39/14) - u daljem tekstu: ZJN i preporuke Komisije za javne nabavke Ministarstva unutrašnjih poslova Kantona Sarajevo za 2020. godinu, imenovane Rješenjem broj 05-1-11-4-1158 od 28.02.2020. godine i broj 05-1-11-4-1158-4 od 07.09.2020. godine u postupku javne nabavke građevinsko-zanatskih radova na sanaciji krova u ulici Envera Šehovića, ministar unutrašnjih poslova Kantona Sarajevo **d o n o s i**

O D L U K U

o poništenju postupka javne nabavke građevinsko-zanatskih radova na sanaciji krova na objektu u ulici Envera Šehovića

I

Poništava se postupak javne nabavke građevinsko-zanatskih radova na sanaciji krova u ulici Envera Šehovića za potrebe Ministarstva unutrašnjih poslova Kantona Sarajevo, pokrenut na osnovu Odluke broj: 01-11-4-5316 od 21.10.2020. godine i Obavještenja o nabavci broj 1364-7-3-66-3-54/20 od 26.10.2020. godine..

II

Ova odluka stupa na snagu danom donošenja.

O b r a z l o ž e n j e

Na osnovu Odluke broj: 01-11-4-5316 od 21.10.2020. godine i Obavještenja o nabavci broj 1364-7-3-66-3-54/20 od 26.10.2020. godine proveden je postupak konkurentskog zahtijeva za dostavu ponuda za nabavku građevinsko-zanatskih radova na sanaciji krova, na objektu u ulici Envera Šehovića za potrebe Ministarstva unutrašnjih poslova Kantona sarajevo.

Prema Zapisniku sa otvaranja ponuda od 04.11.2020. godine, za aktivno učešće u postupku dostavljene su ponude ponuđača: „Galbols“ d.o.o. Sarajevo, „Kristal“ d.o.o. Živinice, „Dinalsa“ d.o.o. Sarajevo i „GEN.C“ d.o.o. Sarajevo.



Komisija za javne nabavke za potrebe Ministarstva unutrašnjih poslova Kantona Sarajevo izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj 01-11-4-5316-2 od 09.11.2020. godine.

Pregledom i detaljnom analizom dostavljene dokumentacije ponuđača, Komisija je utvrdila da sve dostavljene ponude sadrže sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove, te shodno utvrđenom kriteriju „najniža cijena“, ispunjavaju sve zahtjeve ugovornog organa, te je u skladu sa obavještenjem o nabavci i u skladu sa odredbama Pravilnika o uslovima i načinu korištenja e-aukcije ista i provedena. Nakon provedene e-aukcije, kao najpovoljnija ponuda, izabrana je ponuda ponuđača „Dinalsa“ d.o.o. Sarajevo.

Odluka o izboru najpovoljnijeg ponuđača i dodjeli ugovora broj 01-11-4-5316-3 od 09.11.2020. godine zajedno sa Zapisnikom o pregledu i ocjeni ponuda broj 01-11-4-5316-2 od 09.11.2020. godine je dostavljena svim ponuđačima u ovom postupku javne nabavke.

U dostavljenom krajnjem roku izabrani ponuđač „Dinalsa“ d.o.o Sarajevo nije dostavio dodatnu dokumentaciju (original ili ovjerenu fotokopiju, ne stariju od tri mjeseca, računajući od dana dostavljanja ponude) potvrdu od banke da glavni transakcijski račun nije blokiran neprekidno u trajanju od 7 (sedam) dana odnosno ukupno trajanje blokade računa ne može biti duže od 15 (petnaest) dana u posljednjih 6 (šest) mjeseci od dana podnošenja ponude, a predviđenu tačkom 12. Tenderske dokumentacije, te je ugovorni organ u skladu sa članom 72. stav 3. tačka a) Zakona o javnim nabavkama BiH donio Odluku o dodjeli ugovora drugorangiranom ponuđaču „Galbols“ d.o.o. Sarajevo.

Ponuđač „Galbols“ d.o.o. Sarajevo, je nakon potpisivanja Ugovora o izvođenju građevinsko-zanatskih radova na sanaciji krova u ulici Envera Šehovića za potrebe Ministarstva unutrašnjih poslova Kantona Sarajevo propustio dostaviti garanciju banke za dobro izvršenje ugovorenih radova u ostavljenom roku, a samim tim je ispunjen uslov iz člana 72. stav (4) Zakona o javnim nabavkama pa je shodno tome ugovor dodjeljen ponuđaču „Kristal“ d.o.o. Živinice koji je četvrti na rang listi nakon provedene e-aukcije, a nakon što je trećerangirani ponuđač pismenim putem odbio poziv za zaključivanje ugovora za predmetnu nabavku.

Nakon što je ugovorni organ dostavio Odluku o dodjeli ugovora četvrtorangiranom ponuđaču „Kristal“ d.o.o. Živinice za izvođenje građevinsko-zanatskih radova na sanaciji krova na objektu Ministarstva unutrašnjih poslova KS u ulici Envera Šehovića, isti je u zakonski ostavljenom roku dostavio dokumentaciju propisanu članom 45. Zakona o javnim nabavkama BiH. Pristiglu dokumentaciju je Komisija za javne nabavke pregledala i utvrdila da ponuđač „Kristal“ d.o.o. Živinice ne ispunjava kvalifikacione uslove propisane članom 45. Zakona o javnim nabavkama BiH, te se shodno tome ne može zaključiti ugovor o izvođenju građevinsko-zanatskih radova na sanaciji krova na objektu u ulici Envera Šehovića.

Cijeneći naprijed navedeno, Komisija je shodno Zakonu o javnim nabavkama BiH, primjenjujući član 69. stav (1) tačka b) i stav (3) Zakona o javnim nabavkama („Službeni glasnik BiH“, broj 39/14) riješeno je kao u dispozitivu.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa u roku od 5 (pet) dana od dana prijema ove odluke, a u skladu čl. 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

DOSTAVITI:

1. Komisiji,
2. Upravi podrške
3. Ponuđaču/izvođaču radova,
- ④ Kabinet ministra, stručni savjetnik za odnose s javnošću i
5. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

